

CERPEN: JAKET KULIT KIJANG DARI ISTANBUL

Lengkapkan sinopsis cerpen di bawah dengan maklumat yang tepat.

penjual makanan burung	iklimnya yang panas	Celaleddin Ar-Rumi	jaket kulit kijang
berperikemanusiaan	cenderamata	wang jualan jaket	potongan harga
membuang masanya	kemegahan		

Cerpen ini berkisarkan tentang seorang wanita yang bernama Mas. Dia merupakan seorang penulis telah melancong ke Istanbul, Turki dengan hanya berbekalkan wang sebanyak USD 400. Dia telah mencongak senarai _____ yang hendak dibeli untuk dibawa pulang ke tanah air. Oleh itu, dia perlu berbelanja secara berhemat di negara orang.

Walau bagaimanapun, Mas telah terbeli _____. Hal ini terjadi apabila dia berkunjung ke Grand Bazaar. Ketika berkunjung ke kedai-kedai, Mas telah disapa oleh lelaki yang menjual jaket kulit. Dia telah ditawarkan _____ yang rendah. Desakan lelaki itu seakan-akan memerangkap dan memaksa Mas untuk membeli jaket kulit tersebut. Mas menolak secara sopan dan tindakan itu menimbulkan rasa kurang senang lelaki itu. Mas telah dituduh sebagai wanita Muslim yang tidak baik kerana telah _____.

Di sana, Mas sempat membaca puisi yang ditulis oleh _____ ketika melawat makamnya di Konya. Puisi yang ditulis membicarakan tentang kasih sayang sesama insan. Seterusnya, Mas mengisahkan pula perjalanannya pada hari keenam di Istanbul. Kesusahan yang dialami oleh wanita tua, _____ menyentuh perasaannya. Selain itu, kisah seorang budak lelaki yang cuba menjual barangan di pasaran gelap dirakamkan olehnya. Budak lelaki itu bukan sahaja ditangkap polis tetapi menerima layanan yang tidak _____.

Shahmeem, rakan Mas, membeli sehelai jaket di pasaran gelap tetapi jaket tersebut tidak sepadan dengannya. Dia telah menjual jaket tersebut kepada Mas. Mas beranggapan bahawa jaket tersebut tidak sesuai untuk digunakan di Malaysia kerana _____. Mas juga berpendapat bahawa jaket kulit kijang sebenarnya melambangkan _____ dan kemewahan. Lebih seekor kijang perlu dibunuh untuk mendapatkan sehelai jaket. Bagi mengelakkan pembaziran, Mas bercadang untuk menjual jaket kulit tersebut di Malaysia dan mendermakan _____ itu kepada mana-mana zoo yang

mempunyai kandang kijang. Hal ini sebagai tanda muhibah terhadap kijang-kijang yang telah dibunuh.